

呂祖全書

乙巳仲冬
萬德至善社重刊

呂祖全書諸誥小序

自道經丕闡。凡上帝諸天真宰列宿咸有誥。或述功行。或稱願力。或敘生平出處。使人誦之曉然知所由來。而生敬慕之心。亦如帝天明明赫赫。臨之在上。罔敢戲渝褻越。詩所謂上帝臨汝。無貳爾心者也。惟佛菩薩經無誥。季世應真。如法事科儀。據經作誥。以爲歸依信順之詞。至於呂祖諸誥。則皆龍沙顯跡。飛鸞自演。尤爲靈驗。凡所祈求。罔弗克遂。更有誦持既久。降神現相。明示道要。證果仙真者。洵度世之慈航也。世人苟能專心致志。誠敬弗懈。則感應道交。自獲不可思議功德。祈福禳災。其餘事耳。

呂祖全書卷三十二

義陵無我子劉體恕彙輯

男劉陰誠清惠
姪劉允誠清虛

全校

沙羨一行子黃誠恕參訂

呂祖誥

唐朝秀士。家世垂紳。號為純陽派。列洞賓。身衣黃服。
 頭戴藍巾。樅扇根根藏造化。絲繚音叨節節定乾坤。天
 地視之一粒。萬物渺如微塵。飢食山柏。渴飲澗清。產
 體於中秋之月。八月初四日降神此與經異。煉丹於季春之候。
 三月十八日修行。證果六陽。誰識仙體。飛昇九月。
 寔我功成。受正陽之秘旨。作大羅之天真。任凡間迅風
 驟雨。隨朝市白晝黃昏。只管我伐毛洗髓。不受他利鎖
 名繩。功名富貴。視如浮雲。舉世皆沉迷於酒色財氣。

惟予能參破乎清靜玄門。黃鵠磯頭。曾作賣桃之客。洞庭湖口。素傳度柳之名。古今稱羨。華夷感恩。濟人利物。起死回生。至聰至明。至仁至聖。啓玄闡教。收緣救劫。上終南山。中方上八仙洞。呂太史純陽家主。正陽一派天尊。

又

至心頂禮洞中仙。求得靈丹度下凡。如見尊顏來蓬戶。不厭蘋蘩與菲筵。降下青鸞飛渺渺。騎來黃鶴羽翩翩。黃服藍巾縱扇子。一瓶葫蘆繫腰間。飢來不愛人間食。渴後惟貪飲澗泉。功名富貴猶雲逝。利鎖名韉脫苦關。朝朝暮暮閒游視。觀見衆生寔可憐。刀兵水火流亡厄。老幼溝渠骨障天。有難急急求拜祖。叩之即應護身前。

若要求男並求女。投誠歸命賜兒傳。若祈長壽登仙果。
至誠禮拜得增延。若逢病患纏綿汝。焚香懇禱即速安。
路中急難無求救。慇懃叩祝在身邊。即時請來即時應。
隨刻呼來便降壇。發下大願三十種。第一願結衆人緣。
老祖原來不負汝。汝亦念念把心堅。太止勅吾來度世。
律令勅汝土神言。一家須保無災厄。成就上帝濟人丹。
純陽上洞真人。興道護世。收緣救劫天尊。

又

慈腸度世。體天行道。位居震宮之上。法演無極之妙。
道包天地。德冠古今。本來先天之質。復產下界之身。
聖父護丹藥而得孕。仙母凝紫光而誕體。八月初四臨凡。
。四月十四上升此亦與。作人天之眼目。爲三界之醫王。

。以乾坤爲住宅。得陰陽爲配偶。湖海常作杯罍音假。山嶽每爲棋局。日月是燈炬之光。星辰運百脈之靈。大道難窮。微妙莫盡。大悲大願。至慈至孝。祖師三教主宰。宏仁普惠帝君。

又

咸通及第。賜宴瓊林唐詩鼓吹亦作咸通。受君恩而兩任琴堂授江

化縣令其詳。避巢兵而一家歸隱。終南遯跡。山麓韜光。

文章飽蘊於心胸。道妙包羅乎天地。鶴形龜息。金骨瓊

肌。受正陽之秘旨。作大羅之天仙。九轉功成。十年苦

行。體太上好生之德。爲佺門不老之宗。三醉岳陽。度

城南之枯柳世人因此語遂以柳錯。幾居黃鵠。賣普濟之仙

桃此誥係呂祖親目見過世本於陽。大悲大願。大聖大

慈。祖師純陽。演正警化。孚佑帝君。興行妙道天尊。

又

玉清內相。金闕選仙。化身爲三教之師。掌法判五雷之令。黃梁夢覺。忘世上之功名。寶劍光芒。斬人間之妖怪。四生六道。有感必孚。三界十方。無求不應。黃鵠

磯頭留聖蹟。至今存。終南山上鍊丹砂。存芝象於仙巖。

顯靈蹤於靈洞。闡法門之香火。爲三教世本知呂祖化身爲三

教指一門小矣則之梯航。大慈大悲。大仁大孝。開山啓

教。靈應祖師。天雷上相。靈寶真人演正警化。孚佑妙

通帝君。興行妙道天尊。

又

無極一聖。應化度人。化身爲三教之師。紫府掌糾司之

令。性宗道德。體湛寂而真常。命葢音東華。煉九還而
七返。恒河寶筏。道岸津梁。丹成庚月先天。法藏拈華
正眼。了無四相。不別三門。功德洪深。人天示現。領
玉清靈寶之簡命。奉彌金闕之靈符。普度有緣。咸登正
覺。四生六道。無不垂恩。三界十方。有求則應。刼超
元會。果證圓通。大悲大願。無聲無臭。祖師天醫上將
。玉清內相。金闕選仙。靈寶真人。演正警化孚佑帝君
。興行妙道。三五神德。一炁真君。廣濟正道神人。九
梵符籙真人。興隆大道天尊。光圓自在通佛。

又

玉清內相。金闕選仙。建巍勳股肱宸陞。肅鑑品鷺仙階
。位奠金庭。衍神功於有永。爵隆玉闕。昭聖德以無疆

。憫恤倒懸。慈悲塗炭。救劫宗主。解難法王。宏教化於兩間。光道德於千古。大悲大願。大聖大慈。演正警化孚佑帝君。興行妙道天尊。

又

中天無上宮。三教慈悲主。繼道統於列聖。垂規範於萬真。演八品五品之奧旨。示仙子佛子之慈航。大哉正位蓬萊。炫功廣博。偉矣尊居峻極。覆照崇隆。號令十方。作金闕之上宰。統攝五嶽。爲仙佛之宗師。懲咎褒良。消災弭沴。大悲大願。大聖大慈。開壇啓教。靈應祖師。帝師無上慈光援引。純陽演正警化。孚佑妙通帝君。興行妙道天尊。

又

巍巍無上宮。渺渺清微境。至道極無爲。佺通昭靈應。
綜儒釋道之全。而統歸一貫。合天地人之撰。而妙蘊三
才。歷恒河沙劫。廣濟羣迷。徧大千世界。溥施法乳。
玉律金科。字字洩乾坤之秘奧。龍章鳳篆。言言示仙佛
之筌蹄。闡發太極先天。津梁垂於奕禩。宣揚皇風帝澤
。位詣卓乎天真。大悲大願。大聖大仁。玉清真宰。道
極無爲。至佺至聖。萬炁持衡。孚佑現化。三教宗師。
佺元廣法天尊。圓通文尼眞佛。

附

柳眞君誥

呂祖首座弟子諱榮號青青子清微三
品告成奉元始勅命晉秩眞君之職

無上佺功。玉樞妙果。昭靈應於十方。運慈心於一切
。開壇啓教。賴宏力之護持。濟困扶危。建殊勳之烜

赫。受玉清元始之誥命。贊九天應元之神功。仁風遐
暢。宇宙靄春日之和。祥光遍覆。天人瞻紫雲而集。
道極無爲。佺通莫測。大慈大願。至神至仁。左輔元
化。無上極尊。玉樞右宰。宏教真君。

葛天君

誥天君諱明揚爲呂祖涵三主將清微三品
告成同受元始誥命晉秩佐化宣道之職

中天主將。護法神王。燮理陰陽。一氣轉鴻鈞之化。
總核雷霆。九天普澤育之仁。運神功於廣漠。顯靈應
於虛空。至大至剛。鼓舞皇風於三界。極佺極聖。博
施法雨於九幽。警聾瞶之邪心。開屯音肫蒙之正覺。威
光徧燭。道氣常存。大聖大神。大悲大願。九天宣化
。總司五雷。監正仙籍。功過黜陟。統帥江湖行雨龍
王。佐化宣道神君。萬法佺通天尊。

王仙師誥諱真字通機號我眉子參同經之演仙師與有力焉亦呂祖弟子也

昔爲洞宰。今證仙王。我眉默運神機。宏願力而靈光
赫奕。崆峒受參大法。昭星象而神氣朗開。瑞應佺都
上品。身飛紫極宸宮。三禱彌羅真境。發宏誓而宣化
行仁。九叩太梵主天。演元音而救人度劫。監正南宮
神事。握運西斗素天。慈惠虛皇。仁能佺老。大悲大
願。無上聖師。靈感教主。虛靈神妙。顯化真君。

呂祖全書跋

呂祖全書既成。客有問於一行子曰。子與無我子之彙輯。呂祖全書也。果於呂祖之書。全備無遺乎。曰。未也。昔尼山刪書。斷自唐虞。而擊可拊石。尚有闕文。易卦本於庖羲。而象象十翼。經三聖人而始成。然差之毫釐。謬以千里。今無其語。詩三百篇。而魚麗由庚。束習猶有亡詩之補。矧呂祖龍沙顯跡。自唐迄今。歷年千百。靈蹤遍海隅。鶴馭滿寰區。嘉言聖訓。戶藏家蓄者。不知凡幾。即有傳者。亦或未能遠播。安能博靡。而盡登篋都軸也。然則謂之全書合也。曰。非謂其文字全也。蓋義全不耳。夫書以道政事。而平章之治。寔本藝倫。易以道陰陽。而吉凶之動。惟善補過。詩以理性情。辨貞淫。春秋以紀人事。明治亂。至於四子之書。發明道學之全體大用。其說益詳。今呂祖之書。罔不備焉。晰

百家之殊途。貫萬事以一理。自軒皇而後。修道成真者。亦第言龍虎丹鉛。坎離升降。藥物火候。金液玉液。修煉還返已耳。猶是各就一家言。今呂祖之書。三門普現。四相全超。舉凡道之當然。與其所以然。精粗悉載。鉅細畢舉。綜儒釋道之全。而會歸於一世之學聖學佛學仙者。苟得其一言半偈。皆可以了道成真。洵所謂蕪旃檀之木。片片皆香。剖瑤瑤之質。寸寸悉貴者也。無我子現宰官身。說方便法。彙而綜之。謂之全書。不亦宜乎。抑是編也。豈僅爲呂祖道書之全已哉。即以爲大藏真經之全。亦豈不可者。何則三教聖人之旨。靡不該括於是輯之中。昔季札觀周樂。至於韶而歎觀止。雖有他樂。不復敢請。今呂祖之書。雖有他經。不能出其範圍。余故曰。非謂其文字全也。蓋義全焉耳。客躍然喜曰。而後乃今知子與無我子之彙斯全書。不僅爲呂祖功

臣。其有裨於三教匪淺鮮矣。一行子跋。

呂祖全書跋

予總角入鄉校。從梅中軒師。講伊洛之學。嘗欲立說闢二氏之非。及舉賢良至京師。夢人贈白屨二覺而疑之。解之者曰。此以州縣用之徵也。王喬飛舄。舄化爲鳧。鳧色固白。白屨之夢。足當之矣。後果如其言。然每自憶。此夢既兆得官。豈不亦將遇仙乎。初余施秉。自楚市悵來。原有題簷句云。雲無心以出岫。鳥倦飛而知還。覽之。如冷水澆背。陡然一驚。然時方銳意進取。亦施置之。此兩事者。當風塵奔走。困悴無聊之際。時復念之不忘。後於會城。晤東岩鄧優恕。甲午鄉試。訂交愛好也。因於小阮允誠。知鄂渚涵三宮。爲呂祖飛鸞演經處前侍演者。有一行黃誠恕在。聞而慕之。遂與東岩

等發積經演典之願。然黔楚相隔各天。官守私繫。何能任意去來。乃允誠以宦裔寒羶。力任其勞。不憚奔走。往返水陸。經歷大湖。前後凡十數次。自始事以迄竣工者八年。險阻艱虞。初誠不二。洵稱志士。一行者江夏諸生也。有道而文。深於禪學。兼通佺教。楞嚴金剛諸經。皆有註釋。侍演佛典後。迄今復侍演參同。三十二章。年七十餘矣。康健不減少年。庚申冬。余量移赴都。由淮揚金陵過楚。握手歡然。時允誠亦在楚。因有彙刻呂祖全書之約。余以限迫先來。一行於次年初春抵署。親自鈔閱。商酌纂輯。不憚往復。至十月而底本成。凡三十二卷。其一切讎校。允誠實左右之而蔭誠亦與焉。先是東岩在滇。聞纂輯全書之舉甚喜。與丁存恕。矢願捐貲。共勦刊梓。卒如其志。蓋余讀全書。而知三教一原二氏之不必闢也。向者作秀才時。寔未深究性命之

旨。歧視爲二。而不知其同。迨捧檄出山。馬足車塵。宦塵迷目。學殖漸荒。每用慚懼。而呂祖憐之。示以前因云。子前三世。精習儒業。名列桂香。因閱道書。傾誠向予。自立道號。一名了緣。取了脫塵緣之意。其再世名守樸。取道經以樸爲守。三世名淳真。又名修玄。今已四世修真矣。其生而穎悟者。靜修之力也。即優恕與子。亦有前緣。子淳真入道之世。寔與結社。彼亦秀士。深慕玄風。與子道同志合。南華仙師所謂莫逆之友。彼亦自立道號。名曰谷隱。取太上谷神不死之語。不僅慕棲隱巖谷也。然子同優恕。先後修真。微有不同。故今世境遇。亦有微異。又云。予嘉體恕一片恪誠。寔有望道如未之見之心。有見善如不及之願。其起心動念。予早已知之矣。然其歷世信奉予道。最稱淳厚。予今因其矢志謁予。正欲以前程大事。親爲指點。俾令深悟夙因。

。修明佺要。不徒深誦琅函。便爲了脫塵緣也。敬聆慈
示。如夢斯覺。而今而後。惟夙夜匪懈。益勵忠孝。雙
修性命。以不負指引而已。因述纂輯全書始末。附載於
後。冀觸警心目。勇猛精進。早賜超脫。此素心也。東
岩。楚渠陽明經。允誠。先世楚人。今爲貴陽諸生。並
誌之。無我子跋。